



## Section hruaitu tur thlang dawn

Chanmari West, 6<sup>th</sup> Jan : Ni 27.12.2012 (Ninga) zana Chanmari West Branch YMA Executive meeting chuan kum 2013 atan Branch tichak turin Section din leh ni se a ti a, kum 2012-a section ramri angin section panga (5) - Chawngbawla, Khuangchera, Neuva, Taitesena leh Vanapa section a din leh a ni. Kum 2013 atana section hruaitu, Office Bearer thlan dan tur duangin hetiang hian ruahmanna a siam nghal bawk :

- a) Inthlan hun atan chuan Ni 8.1.2013 (Thawhle) zan dar 6:30. kalna tur hetiang hian ruahmanna siam a ni:
- b) Inthlanah hian OB tur mi paruk a ruala thlan chhuah tur a ni a, thlanchhuahte hian Returning Officer (RO) hoin nihna an insiamrem ang. Chawngbawla : Pu RL Thanhnuna, Asst. Secretary
- c) Inthlanna hmun, programme leh ballot paper-te chu section te'n lo ngaihtuah se tih a ni. Khuangchera : Pu K. Darthantluanga Fin. Secretary
- d) Section tinin nomination mi 25 aia tam lo leh floor nominate mi 3 aia tam lo neih ni se. Nomination list hi ni 6.1.2013 (Pathianni) aia tlai lovah Branch Secretary hnenah theh luh ni se tih a ni. Neuva : Tv. Zairemmawia Secretary
- e) OB post ngai, a zawna kum 3 lo chelh tawhte chu an post ngaiah thlan theih an ni tawh lo vang. Taitesena : Pu T. Ngurkhuma Vice President
- f) Inthlannaah hian Returning Officer atan Branch OB te an Vanapa : Pu R. Lalmachhuana Treasurer
- g) Branch Executive Member-te chu an awmna section-ah Ex-Officio member an ni nghal ang.
- h) Section tin OB atana thlan chhuahte hian an thawhpui section committee member tur mi 25 aia tam lo, YMA AW Agent leh YMA Chanchinbu Sub-Agent tur mi pakhat ve ve ruatin ni 11.1.2013 ral hmain Branch Secretary hnenah theh luh tur a ni.

## Branch News

Assistant secretary Pu RL Thanhnuna chu chhungkaw chhiat tawh avangin Kawrthahah a zin a, dam takin a lo haw leh ta.

Ni 8.1.2013 (thawhle) zana kum thar section hruaitu thlan a ni dawn a, member-te ngai pawimawha mahni section inthlanna kal vek turin Branch Committee chuan a ngen.

YMA Park transformer sira ruihhlo ti thinte ti tawh lo tura hriattir an ni.

Kum tharah rilru thar nen YMA hmalakna kawng hrang hrangah thahnem ngai leh zual turin, member-te bakah nu leh pate an ngenin kawng hrang hranga tha taka thawh hopui atan an sawm nghal bawk.

Ni 2.1.2012 (Nilaini) zan khan Zawlbukah tlangval thenkhat zilh ngaite hruaituten kovin an zilh a, tun hnuah nungchang mawi lo lantir tawh lo turin an hriattir.

## 2013 Kohhran Thalai Hruaitute

KTP

- Leader : Pu Vanlalbera
- Asst Leader : Dr Lalramliana
- Secretary : Tv H Lachhuanmawia
- Asst Secy : Pu Lalrempuia
- Treasurer : Pu Lalrinawma
- Fin Secy : Tv Zothankima

SAY

- Leader : Pu Vanlalliana
- Asst leader : Pu Lalremmawia
- Secretary : NI Lalfakdiki
- Asst Secy : Pu Henry Lalremruatpuia
- Treasurer : NI H Vanlalhruaii
- Fin Secy : Tv Vanlalfawna

## Branch YMA-in Sub-Committee pali siam

Branch YMA Executive Committee chuan kum 2013 atan Sub-Committee pali - Silver Jubilee, Kumpulan, Property leh Thlanmual committee a din. Branch office bearer-ten chairman, vice chairman, secretary leh assistant secretary an ruat dawn a, heng an ruat chhuahte hian an thawhpui tur committee member an ruat ve leh ang.

Kumpulan Sub-Committee bikah

chungchangah kaihruaina siam sa a awm a, YMA-in kumpulan atana a hman mek "Ram leh Hnam Humhalh" bawhzuiin chak takin hma an la reng tur a ni. Hemi kawnga thuthlukna lian tham (entirnan - inhnawh chhuah, Chhiatni Fund pek kir) chungchangah mahni thua thu tawp siam mai lovin, Branch Executive-te rawn hmasak tur a ni.

## Kum thar ruai hlim tlang takin theh

Veng chhung kohhran hrang hrangten January 1 khan hlim takin kum thar lawmna ruai an theh. Kohhran lian ber Presbyterian-in an biak inah a huhovin an hmang a, vawg panga leh

bawng pathum bakah ar leh sangha siamin, Salvation Army-in an biak inah an hmang khawm bawg a, kum thar lawm nan bawng leh vawg pakhat ve ve talhin January 2-ah an nawn leh.



## TUNKAR CHANGVAWN

Mahni ngaihin intifing suh la, Lalpa chu tih la, sual kalsan rawh. I sumin Lalpa chawimawi la. I thil lo puing hmasa ber zawng zawng nen. Thufingte 3: 7&9

**Editorial Board**

<b>Editor:</b>	R. Lalrinnggheta	9862358337
<b>Joint Editor :</b>	Lalchhandama	9862358347
	J.Lalnangliana	9862399658
<b>News Editor :</b>	Thangkuma	9862303135
	Lalchhuanmawia	9862580558
	K. Lalremtluanga	9862308311
<b>Cir.Manager :</b>	Jacob Lalrinsanga	9612319779
<b>Production Manager :</b>		
	T. Ngurkhuma	9436190843

**Branch Office Bearer**

<b>President</b>	C. Lalzarliana	9436142049
<b>Vice President</b>	T. Ngurkhuma	9436190843
<b>Secretary</b>	Zairemmawia	9862385654
<b>Asst. Secretary</b>	RL. Thanhnuna	9436152760
<b>Treasurer</b>	R. Lalmachhuana	9436151817
<b>Fin.Secretary</b>	K. Darthantluanga	9436196071
<b>Adviser-te :</b>		
	Pu F. Zosanga	
	Pu A. Biaklawma	
	Pu Lalrengpuia Sailo	

**Editorial :**

Pathian hruaina zarah kum 2013 kan lo chuangkai leh ta reng mai. Tun tum hi Editorial Board tharte'n YMA AW kan tihchhuah hmsak ber a ni a, chhiartu zawng zawngte Kum Thar Chibai vek u le.

Kum kal ta lamahte a enkawltu tha tak leh mi inpe tak tak avangin kan chanchinbu chuan hma a sawn hle mai a. Chutih rual chuan hmasawna hian tawp chin a nei lo ang bawkin kuminah pawh a hma aia changtlung zawka chhuahzir zel tum a ni.

Chanchinbu that leh that loh kawngaha endiktu hmasa berte chu a chhiartu veng mipuite hi kan ni tih i inhre thar leh theuh ang u. Kan veng mawina hi kan kutah a awm tih hriain tan i la tlang ang u.

Veng chhung chanchinbu a nih ang ngeiin a tam thei ang ber veng chhung chanchin tihchhuah tum a ni a, pawl hrang hrang hruaitute report pek uar deuh deuh turin kan insawm e.

Kum kan han hmanng chho zel ang a, thu chhuah tur haihchham fe fe chang a awm leh ngei ang. Chutih hunah chuan thu leh hla lama tui mi te, ziaq mite kan ngai leh dawn hle mai che u. Tu mah inthlahhrung hauh lova thu rawn ziaq thin turin kan insawm bawke.

Article hmasa ber rawn ziaktu Pu Zara chungah lawmthu kan sawi a, chutiang bawkin veng mipuite min tawiamna turah lawmthu kan sawi bawke.

Article:

**Kum thar thuchah**

C. Lalzarliana President CWBYMA

Kum leh nite lo in her chho zel hian thil mak tak tak, a tha lam, a chhe lamin a rawn her chhuahpui ve zel lo thei si lo va le. Kum 2012 pawh a inher muai muai a, zofate tan hun pui ber leh hun theng thaw nuam lai, Kristiante tan pheii chuan hunpui December thla lo inher chhuak chhoin, December 2012 ni 11 zan a lo ni chu le !

Phawk hruin zan dar 9 velah chuan mumang nge a tak tih pawh hriat loh ruaiin kei atan chuan zan maksak tak a lo ni ta ! Mumangah pawh la tawn ngai loh leh mi dang tana ka lo dah thin, kei atan chuan khawvel tharah kan chuangkai hi a ni ber mai; Chanmari West veng lian leh ropui, khu ta mi, saw ta mi, khi ta mi chhunga YMA president-a min han hung ta mai hi chu khawvel thil mak pasarih zingah telh hial tlak niin ka hria.

Tichuan, hetia YMA President meuh a min han thlang ve ta chu lawmpuina phone call, SMS te leh hmahma chibai leh lawmpuinate min hlan hlawn a, min lawmpui rual rualin kei atan chuan chhungril hrehawmna nen ka lawm lo rilru a ni ber awm e. Mahse hetiana YMA member ten min thlang ta a nih si chuan Pathianin rem a tih chuan kum 2013 chu hmanng turin ka han inbuatsaih ve ta a ni.

Chuan le, kum 2013 chu a lo inher chhuak ta chu a nia le ! Tiril mur deuh sung sung chungin, ti hian ka rilruah chuan suangtuahna hlimthla chu kan nei chho ve ta. chhungtin leh YMA member zawng zawngte kum thar 2013 chibai ka buk a che u.

Chanmari West veng hi thianghlim tak leh nuam taka siam turin mi tin, a lian leh te, a tar a zurin tan la leh zual turin kan inchah a, chumi atan chuan kan mawhphurhna kan koah a awm a ni tih i lo hre theuh ang u. Chhungtin hian kan in leh lo, ram hi a tha emaw a chhia emaw



2013 Chanmari West Branch YMA President Pu C Lalzarliana'n kum thar thuchah a sawi

pawh ni se faiin thianghlim se, kan septic tank, tui chhe paimana, ranvulhna, etc., te hi mite tan harsatna thlen lo turin vawn thianghlim theuh ni se. Kan tu leh fate'n khawtlangah harsatna an thlen lohna tur leh ruihhlo laka an fihlim theihna turin i fuihin i zilh sauh sauh teh ang u. Kan fate ho hian lehkha thiam vek se kan duh a, chutih ruala pawimawh chu an nunah Mizote tlawmngaihna vawng nung reng turin i fuih thar theuh ang u.

YMA member zawng zawngte YMA thil tum tihlawhtling turin kan theihna leh thiamnate hmanng a, thahnemngai leh zual turin Pathian rawn chung zelin kal i tum theuh ang u. YMA hi ding zel se.

### TAITESENA

☞ Ni 2.1.2013 (Thawhlehi) khan thil hrang hrang ngaihtuahin committee meeting pawimawh tak an nei.

☞ Ni 8.1.2013 (Thawhlehi) zan hian kumin chhunga Section Office Bearer turte an thlang dawn a, member zawng zawng kal vel turin an inhriattir. Inthlanna hmun atan Pu C. Sangkhuma in chung, dar 6:30 pm.

☞ Krismas leh Kumthar vuakveta thahnemngai taka duty thinte chungah leh duty-na hmun hmantirtu Pu Lalngaihawma chungah lawmthu an sawi.

☞ An zun in sak mek chu sak zawh tawh niin hman theih a ni tawh a, zun in sakna tura pawisa petu AMC chungah leh a hmun petu Pu H. Thangdailova te chhungkua chungah lawmthu an sawi.

☞ Hna thil avanga Pune lama zin an hruaitu Tv. H Vanlalhriata chu dam taka a lo haw leh ngei an beisei.

☞ An Section chhunga YMA AW semtuten mi dang an ruat hma chu sem tur a ni.

### KHUANGCHERA

☞ Ni 8.1.2013 (thawhlehi) zan dar 6:30 khian YMA Run-ah kum 2013 hruaitu thlan a ni dawn a, member zawng zawng ngai pawimawha kal vek turin an hriattir.

☞ YMA AW semtu leh mitthi buhfai khawmtute'n mi dang ruat thar an nih hma chuan an mawhphurhna chhunzawm zel rih turin an hriattir bawh.

☞ Ni 3.1.2013 (ningani) khan YMA Run-ah kum tawp committee meeting neih pahin chawhlui an kil ho.

☞ Ni 3.1.2013 zanah ropui takin duty buk khar a ni a, duty chhung zawnga tlawmngaia thawh chhuak thinte chungah lawmthu an sawi.

☞ Pi Zohmingliani w/o K Lalengmawia (L) te chhungin phal taka duty-na tura an in chung hmun rem tha tak an hmantir avangin an chungah lawmthu an sawi tak meuh.

### VANAPA

☞ Ni 3.1.2013 (Ninga) zan khan Duty kharin hun an hmanga, hruaitu leh Duty tura ruat mi 40 vel an kalkhawm a, Asst Leader-in a kaihuai a, OB In

charge Pu R. Lalhmachhuana'n hun a hmanpui a, an lawm hle.

☞ Ni 4.1.2013 (Zirtawp) zan khan Pu H Vanlalvena inah meeting neiin, kum 2013 atana section hruaitu thlan dan tur chungchang an rel.

Ahmun : Pu H Lalrinthanga In  
A hun : Ni 8.1.2013 (Thawhlehi) zan dar 6:30

☞ Inthlan zan hian hruaitu committee kaikim Pu VL Thakima leh NI Zoar Lalrammawiite hnenah lawmpuina an pe dawn. Tin, member hnatlang kal tha ber hnenah chawimawina thilpek an hlan bawh ang.

☞ An secretary Tv Hmingthansanga chu chhungkaw thil avangin Mumbai lamah a thang bo mek a, dam taka a lo haw leh ngei an duhsak.

☞ An member Pu Lalramliana Ngente (Lalmama) te chuan naute thar duhawm tak an nei a, an lawmpui hle.

☞ Ni 4.1.2013 (Zirtawp) zingkar khan Duty Buk thiat leh bungraw seng hawiin an hnatlang.

### CHAWNGBAWLA

☞ Ni 4.1.2013 (Zirtawp) zan khan Pu Lalramliana inah committee an nei.

☞ Ni 8.1.2013 (Thawhlehi) zan dar 6:30 hian Tv H. Lalrinmawia te inah kum 2013 chhung atana section hruaitu tur thlan tur a ni a, member zawng zawngte kal vek turin an inhriattir.

☞ Ni 5.1.2013 (Inrinni) khan thutthleng siam leh vengchhung cheina te (Kawipui leh YMA Park) sengfelin an hnatlang. Kawngpui dung cheina chu chhungtinte'n anmahni duh hun theuhva lo sengfel mai turin an inchah.

☞ YMA Duty-na atana phal taka in hman tirtu Tv B. Lalsawmzuala chungah an lawm hle.

### NEUVA

☞ Ni 4.1.2013 (Zirtawp) zan khan section hruaitu tur thlan dan tur chungchang relin committee an thu.

☞ Ni 8.1.2013 (Thawhlehi) zan dar 6:30 hian Pasaltha Neuva Inah kum 2013 chhung atana section hruaitu tur thlan tur a ni a, member zawng zawngte kal theuh turin an inhriattir.

☞ Section hruaitu thlan zan hian hruaitu committee kalkim mi pali (4) te hnenah lawmpuina pek an tum.

## Laljohnyathlan

### "Ching-chi-met" *T-a*

"Laljohny-a a 'ching-chi-met' tlat mai" han tih mai hian hrethiam an tlem hlein a rinawm a, mahse, a hre phakte an nui deuh huk mai thei ? Thil ropui tak phe chu a ni hran lo.

"Laljohny-a kumhlui thlah zanah a 'ching-chi-met' nia maw le ?" ti ta ila a chunga mi ai khian hrethiam an tam phah hret mai thei ? Tichuan nui tur an tam deuh tihna a ni thei bawh ang.

"Laljohny-a kumhlui thlah zanah a 'ching-chi-met' a, zan dang ang lo takin tul lem lovah cellphone-in mi a be sek mai," ti leh ta ila, tlem chuan a awmzia a lang fiah deuh mah na.

"Kumhlui thlah zan khan Laljohny-a a ching-chi-met a, zan rei lamah a phurin kawm a nuam khawp mai. Pa Hminga leh Ka Pa Mawiaten 'ching-chi-met' hi hrethiam lo mah se, a taka hretu dik tak an ni a, kar tawp lam zirtawp zanah.....," ti ta ila a huam a zau leh zualin kan hrilhfiah Chiang deuh ngeiin a rinawm. Heti chung pawha kan la hre pawp lo a nih chuan ka thiam loh a ni tawh bik lo.

Ni e, nikum lamah hlim tlang takin kan nui ho dial dial a, kan thawh ho dal dal thin. Kumin hian YMAAW editorial board-ah Laljohny-a leh Mahruaiate an awm dawn tawh lo. A khawharthlakin kan ngai dawn khawp mai. "Kumhlui thlah zan khan 'Mahruaia a 'ching-chi-vet' ang em le ?"

Laljohny-a a 'ching-chi-met' tih min rawn hrilh a, Mahruaia a 'ching-chi-vet' em tih erawh kan hre lo va, khawi lamah nge a awm tih leh engtin nge a hman tih pawh kan hre hek lo ? Laljo-a erawh 'A ching-chi-met gup mai' tiin amah ertute ni awm takin an sawi a, ka awi lo. A ni thei lo vang; fel hul takin ni 365 a hmang liam tawh a, 366-naah kher kher han ching-chi-met tlat mai chu(h) ! Mahse, ka awi lo phal leh pek lo ang ka ti !! Eng nge ni bik chuang; hetiang hunah hian 'zu thur' vangin Aramliaana 'CH' pawh a ha a thim nasa hle tawh niin an sawi a, khawvel vir rualin a aia chak daihin a vir muai muai a ni awm e.

Laljo-a leh ching-chi-met inlaichin dan hi sawifiah theih loh chhungrila Chiang em em a ni a, amah leh ching-chi-met kan sawi kawp a nih chuan engkim mai sawi nan a rem em em vek. "Laljo-a a ching-chi-met" han tih hian nasa leh zuala nui vak vak tur an awm leh nghal; Pu Zotea 'T' leh Pu Sangzuala 'T' te bakah Lalfaka 'CH' te chu nasa taka nui tur zinga mi an ni Chiang bang.

## Section hrang hrang inthlan tura Nomination List

## ZOFANEWS

<b>CHAWNGBAWLA</b>	18. K Lalthullova	9. Lalthlamuana
1. K Lalthakima	19. HVL Zasanga	10. Israela
2. Rosangpuia	20. John Lalfakzuala	11. C Vanlalhriatpuia
3. H Lalinmawia	21. R Lalthlimpuia	12. Rosangmawia
4. Lalruatsanga	22. Henry Lalremruatpuia	13. F Lalthruaitluanga
5. JK Zosangliana	23. R Lalnuntluanga	14. K Lalremruata
6. B Lalrawngbawla	24. Lalmuanpuia Zawngte	15. David Malsawmkima
7. B Lalsawmzuala	25. Lalhriatkima	16. Rochungnunga
8. Lalrinchhana		17. Lalthazuali
9. C Sangpuia	<b>TAITSENA</b>	18. Zoramthari
10. Zoramthara	1. B Remchhunga	19. Zonunpuii
11. Lalrawngbawla Ralte	2. B Vanlalruala	20. Lalinmawii
12. R Lalthmingthanga	3. Lalmuankima	21. Lalduhawmi (Awmi)
13. J Lalinangliana	4. Lalrosiama	22. Lalduhawmi (Maduhi)
14. Ellen Lalrintluangi	5. C Zonunsanga	23. K Vanlalchhuangi
15. CT Vawra Zote	6. Dengchhuana	24. Lalmuanpuii
16. Thangchhuana	7. H Lalinunzira	25. K Zosangzuali
17. R Lalfakzuala	8. H Lalramhluna	
18. Pachhunga	9. Lalbiaksanga	<b>VANAPA</b>
19. Vanlaltlana	10. Lalbiakzuala	1. VL Thakima
20. Vanlalnggheta Pachuau	11. Lalchhanhima	2. H Vanlalvena
21. H Lalinunmawia	12. Lalchhuanliana	3. T Sangkhuma
22. Lalrivunga	13. Lalthmingliana (Puia)	4. Hmingthansanga
23. Lalhriatzela	14. Lalngaihawma	5. H Lalrammawia
24. Vanlalmuani Pachuau	15. Lalrinmawii ralte	6. Melody Lalhriatkimi
25. Vanlalngghaka	16. Lalrinsanga	7. Zoar R Lalrammawii
	17. Lalrinzuala	8. R Lalrinnggheta
<b>NEUVA</b>	18. Lalthlamuanpuii	9. Vanlalmuanpuii
1. Lalchhandama	19. Malsawmtluanga (Mala)	10. C Vanlalsanga
2. Lalthanruma	20. Malsawmtluanga	11. Roluahpuia
3. R Lalthlankima	21. PC Lalchhanhima	12. R Vanlalsawma
4. EVL Hruaitluanga	22. PC Lalrindiki	13. Lalthlangdika
5. Lalramengi	23. RK Rozidinga	14. Zairemthanga
6. Vanlalhluta	24. Vanlalhriata	15. Lalinunhlina (Vpa)
7. Zothansangi	25. H Zohmangaiha	16. Gordon Zosangliana
8. Ramthanpuia		17. Vanlalhriata
9. Jacob Lalrinsanga	<b>KHUANGCHERA</b>	18. Lalfakawma
10. Vanlalvuana	1. Lalchhanhima	19. Zohmingliana Tlau
11. Lalliansangpuia	2. Lalliansanga	20. Lallianzauva
12. Ricky Lallawmkima	3. Zonunsanga	21. T Lalremruata
13. Lalthachhungi	4. H Vanlalsanga	22. R Ramlawma
14. Lalthazuala Pautu	5. TC Lalthangliana	23. Hmingthanzauva
15. K Lalremmawia	6. R Lalthanpuia	24. C Laltanpuia
16. Lalthmingsanga Pautu	7. HV Lalthavela	25. PC Lalawmawia
17. Lalrindiki Ralte	8. Lalrinmuana	

## Mistiri Association

■ Ni 29.12.2012 khan kum 2013 chhung atana hruaitu tur an thlang.

President : Pu H Lalthuama  
 V President : Pu R Lalthantluanga  
 Secretary : Pu Lalrinmawia Ralte  
 Asst Secy : Pu Lalnghinglova  
 Treasurer : Pu Malsawma Chhinte  
 Fin Secretary : Pu Ronghaka

■ Inthlanna pahin ei leh in buatsaih a ni a, thilpek petute - Pu LR Bawlliana (disposable thleng leh no), Pu K. Rochungnunga leh Pi Lalringliani (Retailer, buhfai kg 10) chungah lawm thu an sawi.

## Keimahni

☞ Tun tum hi kum 2013 atana Editorial Board tura ruatte'n kan thuchhuah hmasak ber a ni a, tihsual tam tak kan nei ngei ang, chhiartute hriatthiamna kan dil e.

☞ Editorial Board thar chuan kumin kal chho turah veng mipuite tawiamna kan ngen tak meuh e.

☞ December 30 (pathianni) tlai khan production manager Pu T Ngurkhuma inah kum thara YMAAW kalpui dan tur sawi ho a ni a, broad member-te kim takin kan kal a, hlim leh phur takin hun kan hman thei a, a lawmawm hle.

☞ Dt 4.1.2013 (Zirtawp) tlai khan Pu VL Thakima, Vice President -inah OB meeting an nei a, zanriah an kilho nghal. Zanriah tuihnai tak buatsaihsaktu Pu Thaa chungah an lawm hle.

☞ Ni 10.1.2013 (Ninga) zan dar 7:00 hian kum 2013 chhung atana hruaitu tur thlanna YMA Zawlbukah nei tur a ni a, club member zawng zawngte kal theuh turin an inhriattir.

☞ Hruaitu thlanah hian OB paruk a ruala thlan chhuah tur a ni a. Official nominate mi 18 awmin, Floor nominate mi 3 a siam theih ang.

☞ Tun thlachhung hian Film shooting nei turin an inbuatsaih a, member-te hun remchang lo insiam turin an inhriattir bawk.

## YMADUTY

## Masangtea

Krismas leh Kum Thar vuakvetah veng chhungah buaina lian tham a chhuak lo nia hriat a ni a, hemi kawnga hmalatu YMA Duty-te an fakawm hle. Mahni inlum pawh luah hman lova veng mipuite himna tura Duty thinte hnathawh a ropui tak zet.

Khawvel changkang zelah YMA hnathawh leh kutthlakna te hmusit zawng leh ngai pawimawh lo zawnga khawsak ching mihring an pung chho ve zel a, chutih rual chuan tun dinhmunah chuan YMA pawimawhna a la zual zel si chu a nih hi.

YMA hmalakna kawng hrang hrangte kan zah thiam a, mipuiin kan tawiam that hian kan veng hi a nuamin a lo ropui dawn a ni tih hi kei zawng Bible thu ziak tluk zetin ka pawm bur mai.

A thawk chhuak peih lo apiang hi a sawisel chak an ni zel bawkin ka hria. Kei zawng, ka YMA zel dawn, kan Branch-in YMA a thiat te a nih ngawt loh chuan.... YMA hmalakna hi Pathian thu nen a inzawm tlat tih ka hrechiang em mai a..